

大清會典  
禮部



大清會典卷之

禮部

儀制清吏司


軍禮

親征

凡

親征之禮

皇帝將有討於弗庭者既卜日先期遣官祇告



地 天

大清會典

禮部

宗。

社。

太歲。

頒行軍律令。詳見至日遣官致祭

道路之神於

天安門祭

火礮之神於教場。鑾儀衛陳騎駕鹵簿於

午門外。兵部陳八旗蒙古畫角十有六。海螺二百

於

堂子街門外設

御營黃龍大纛於

堂子內門外。設八旗羽林纛八。火器營纛八於

黃龍大纛後。所司豫設

皇帝拜位於

園殿外甬道正中。及

大纛前。從征王。公。將士。咸征衣佩刀。不從征之王。

公。暨滿一品官。咸蟒袍補服。至街門內東面。祇

竢。禮部堂官詣

乾清門奏吉時。

皇帝御征衣佩刀。出宮乘騎。前引後扈。如常儀。

駕發警蹕。

午門鳴鐘。騎駕鹵簿前導。至長安橋。八旗鳴角。軍  
鳴角。護軍吹螺。

駕入

堂子街門。螺角止。

皇帝降騎。禮部堂官二人恭導。由內門中門入。就

園殿外拜位。南面立。鴻臚官引王公於丹陛上。眾官於

丹陛下序立。鳴贊官奏跪叩興。

皇帝率羣臣行三跪九拜禮畢。恭導

皇帝就

大纛前拜位。南面立。引王公百官成就拜位。

皇帝率從征將士及羣臣行三跪九拜禮。不贊螺角齊

鳴禮部尚書跪奏禮成。

皇帝屬橐鞬乘騎。導迎樂作。奏祐平之章。內大臣侍

衛率親軍舉黃龍大纛隨行。

駕由都門出。八旗官軍分翼陳列郭外。

皇帝出郭。三舉礮。官軍皆馬上俯伏候。

駕過。不從征之王公百官咸蟒袍補服。於郊外跪送。

乃啟行。軍士各整伍。以次扈蹕。每舍遠偵候。設

巡警。詳見八旗護軍營。如制所過。

名山大川及應祀

風雨之神。均遣官祇告。○六軍凱旋。是日。鑿儀衛

陳法駕鹵簿。自郊外五里列至

堂子街門外。在京王。公以下。有頂帶官員以上。咸蟒袍

補服。出郭外五里。跪迎於道右。京城紳士軍民。

各懸采。設香案。跪迎。

皇帝由都門入。前引。後扈。如儀。法駕鹵簿前導。導迎

鼓吹。皆作。

駕詣

堂子。率從。征不從。征之。王。公。一品大臣。於

圜殿。行三跪九拜禮畢。

皇帝回鑾。百官。於

午門外。按翼跪迎。王。公。隨至內金水橋。候

駕還宮。皆退。翼日。遣官祇告

天。

地。

太廟。

社稷。致祭

陵寢。行飲至禮。凡從征將士。皆與宴。

策勲。行賞。各有差。擇吉。禮部。奏請

大清會典  
四  
皇帝御太和殿。受文武羣臣表賀。如大朝儀。頒  
詔天下。直省文武官。咸奉表賀。遣官祭隨營  
旗纛。

火礮之神。於都門外教場。分遣官致祭。  
嶽鎮海瀆。

前代帝王陵寢。

先師闕里。廼告成太學。勒石紀功。以平定方畧。宣付

史館。

命將

凡

命將之禮。

皇帝命大將軍。統帥軍旅。擇吉出師。先期

臨軒授

勅印。是日。鑿儀衛。陳法駕。鹵簿。大將軍率從征諸將。

咸蟒袍補服。集

午門外。內閣。豫陳

勅印。於

太和殿內東旁黃案。

皇帝御殿。王公百官。咸朝服侍班。鴻臚官引大將軍  
登陞。至殿檐下。大學士一人奉

勅一人奉印。出授大將軍。大將軍跪受。轉授內閣官。跪接畢。行三跪九叩禮。興隨奉。勅印官自東階降。出。

太和門中門。

皇帝還宮。至日遣官祇告於

奉先殿。

皇帝率大將軍詣

堂子行禮拜

燾均如儀禮畢。至

長安左門外。所司豫張黃幄。設

御座。

皇帝陞座。

賜大將軍卮酒。大將軍跪受。飲畢。佩弓矢乘馬。文武

大臣承

詔餞於郊。設祖帳。禮兵二部堂官奉茶。大將軍率從

征將士望

闕謝

恩。乃率大軍進發。既涖營。申明軍令。肅隊起行。○大

軍凱旋。次於近郊。或

御駕親臨。或

命廷臣迎勞還京日

皇帝臨軒大將軍登陸奉上

勅印行三跪九叩禮畢迺

賜大將軍等宴及爵賞有差以成功徧告

天

地

宗

社

陵寢釋奠於

先師均如儀王公內外文武百官咸奉表賀並勒碑

太學

命儒臣輯平定方略○受降露布入告得

旨迺許成築壇於營左南嚮壇南百步建大旗降人

匍伏前大將軍登壇納款宣

上德意乃班師○

命重臣經畧軍務亦如之○若即軍中

命為大將軍以大臣充正副使齎

勅印往封將至軍營大將軍率所屬將弁詣教場豫

設

勅印案香案於廳事正中正副使至陳



大清會典  
七  
勅印於案。大將軍詣香案前跪。候宣  
勅印文畢。正使奉

勅副使奉印。授大將軍。大將軍跪受。轉授左右將弁  
跪接。行三跪九叩禮畢。乃奉

勅印回營視事。

獻俘

凡獻俘之禮。擇日。

皇帝遣官獻俘於

太廟。兵部官率送俘弁兵。以白組繫俘頸。由

長安右門

天安右門入。至

太廟街門外。北面立。候遣官至。皆跪。遣官入

廟行禮。畢。復獻俘於

社稷壇。兵部官仍以俘跪候於

社稷街門外。遣官詣

壇行禮。畢。兵部官率弁兵解俘出。

受俘

凡受俘之禮。獻俘之次日。

皇帝受俘於

午門樓。先期工部設

御座於

午門樓正中。至日質明。內大臣率侍衛。咸蟒袍補服。立兩翼樓階上。護軍統領率護軍。立階下。均佩刀環衛。武備院張黃蓋於樓檐外。鑿儀衛設丹陛鹵簿於闕下。丹墀鹵簿於闕門南。金鼓鏡吹於鹵簿前。樂部和聲署設丹陛大樂於鹵簿之末。內閣大學士。學士。翰林院學士。都察院左都御史。副都御史。立於丹陛鹵簿之左右。王公於丹陛鹵簿外。文武各官。於丹墀鹵簿外。均按翼東西序立。糾儀御史。鴻臚寺官。各分班立。均

與

太和殿大朝禮同。兵刑二部尚書侍郎。立於右翼丹墀鹵簿外。兵部官率進侍將校。立於右翼金鼓外。押俘立將校後。刑部官立於兵部之次。禮部堂官詣

乾清門請

駕。

皇帝御袞服龍袍。乘輿出宮。

午門鳴鐘。前引後扈如常儀。

駕至

太和門。鳴金鼓。奏饒歌。

皇帝陞

午門樓。至檐前降輿。

陞座。樂止。宣

旨大臣二人。立於階下。鴻臚官贊排班。以下行禮均有贊引

解俘將校。進至

御道西北面立。樂作。將校行三跪九叩禮畢。退立原

位。受俘。兵部官率將校引俘至金鼓下跪。兵刑

二部堂官均趨至

午門前。兵部尚書跪奏。平定某地所獲俘囚。謹獻

闕下。宣

旨大臣。宣

制曰。所獻俘。交刑部。刑部堂官跪領

旨。兵部官引俘出金鼓外。交刑部官。刑部官械俘出

施行。若得

旨赦俘罪。宣

制釋縛。所釋之俘。叩首畢。將校引俘起。由

天安門右門出。大樂作。王。公。百官。各就拜位。行三

跪九叩禮畢。樂止。禮成。鳴金鼓。奏饒歌。

皇帝乘輿還宮。王以下各官皆退。是日。

賜解俘弁兵銀幣有差。

大清會典

